



超 班




第 二 輯

歷代賢豪

黃文弼編著

潘公展
主編
申維廉

勝利出版公司印行



第二輯

歷代賢豪

班超

董文海

羅郁

編著

勝利出版公司印行

版權所有
翻印必究

班 超

定價國幣 二 元

(外埠酌加郵運匯費)

編 著 者 黃 文 弼

發 行 人 印 維 廉

總發行所 勝利出版公司
南京中山北路三三三號

上海發行所 上海廣東路一七〇號

北平發行所 北平和平門內北新華街一號

經 售 處 各埠各大書局

民國三十五年三月初版

民國三十五年五月平版

作者小傳

黃文弼先生，字仲良，現年五十二歲，湖北漢川人，國立北京大學畢業。先生爲我國當代史學權威及考古專家，嘗三履新疆作史地考察工作，遍歷漢史所稱西域三十六國故址。中應教育部之請，在長安從事碑林之整理，闕時三載始成，舉凡石碑之編排、房屋之修葺等，胥由先生主其事，對保存固有文化，厥功極偉。歷任西安臨時大學、西北聯合大學、四川大學、華西大學等校教授，暨新疆教育文化考查專員、古物保管委員會委員等職。著有「高昌專集」、「高昌陶集」、「羅布淖爾考古記」、「新疆十四民族考」，及龜茲、焉耆、于闐諸考古記等。本書以人物爲中心，敘述兩漢經營西域概況，見解獨到，徵引詳博，且多應用實地考查所得之史料，故所論列，極具學術價值。現任西北大學歷史系主任。

羅郁先生，現年二十二歲，四川琪縣人，西北大學歷史系畢業。從黃仲良先生治西北史地。通回文。著有「柯爾克茲族之研究」。現任西北大學邊政學系助教。

序

勝利出版社刊行「中國歷代名賢故事集」，以表揚先賢，預定有「班超」一書。公展、維廉兩先生屬余爲之。余於西域，素感興趣，且余數次旅行新疆，對於中國一千八百年前立功西域之班超，自表崇高之敬仰，而樂爲之闡揚。但余因校課忙迫，且趕作上年考察報告，實無暇寫作，乃以大意授余之助教羅郁君，屬文數月，遂成此五萬餘言之傳記，頗爲快慰。爰敘其端，以當小引云。

班超事蹟，僅見於後漢書本傳，除此外，再不見於他書。故關於班超材料，實感缺乏。今據本傳所載，若論其功業，僅限於新疆南部，且歷時二十餘年之久，方收其平定西域之成果。上比張騫之鑿空西域，尙感不足；下較左宗棠之開闢回疆，似乎不如。但吾人旅行新疆，尋訪班超遺蹟，追憶班超當時之行動及各國之情形，深感班超在西域之一切措施，其勇敢強毅之精神，靈敏活潑之手腕，簡易宏博之襟懷，實值得吾人效法。

吾人試想：西域各國與中國種族不同，語言歧異，而中國人之流落西域者，又大抵皆犯罪謫戍之徒，今皆使之傾誠向化，依中國如依天等，確非易事。

當班超之使鄯善也，從事不過三十六人。且郭恂又爲一懦夫，而班超公然率三十六人，搆兵於異國，焚殺匈奴使者。匈奴，強國也；鄯善，大國也，倘戰而不勝，彼三十六人，豈不同遭殲滅之禍乎？以常理論之，確爲冒險之舉！固然，傅介子嘗刺殺樓蘭王矣；樓蘭，卽鄯善之前身也，卒以降服鄯善，有先例可循，或者能一擊成功。但吾以爲班超當時尙無微倖以求成功之心理。何以言之？鄯善居於匈奴與漢之間，當匈奴使來，從匈奴；漢使來，又從漢使，現漢使與匈奴使俱來，二者只能擇一而從，倘鄯善決定事漢，班超等尙可生還；倘決定事匈奴，則班超等實爲鄯善送匈奴之禮物，同被俘虜矣。故當鄯善猶疑不定之際，正班超等生死存亡之秋。況鄯善對於漢使，已有懈怠之意，是其心已漸傾向於匈奴。吾人試想當時環境，確係千鈞一髮。而班超以迅雷不及掩耳之行動，立時出於一擊，其膽識機智，實爲常人所不及。吾人讀史至此，只有贊佩而已！

超自永平十六年奉使西域，永元十四年還朝，苦守西域者三十餘年。降鄯善，撫于闐，定疏勒，破莎車，降龜茲，收斬焉耆王廣、尉犁王汎，傳首京師。自玉門以西至懸度，西域五十餘國悉附於漢。不動中國之士，不煩中國之糧，立其君而撫其民。班超何緣而至此乎？前於班超者，若陳睦爲都護，被焉耆所攻陷，身死異域；後於班超者，若任尙爲都護，不及數月，諸國悉叛，以罪被徵而還。班超在西域二十餘年，所統率者三十六人而已，非有大軍爲之後盾者也，非有都護爲之依持者也，亦非有與國爲之協助者也。而班超孑然一身，苦守西域者二十餘年，劫縛疏勒王兜題，誘斬疏勒王忠，攻殺番辰，遮擊月氏，隨意所欲，如入無人之境，其強毅奮發之精神，實值得吾人敬佩！

或謂班超之成功，由於以夷狄攻夷狄，此乃皮相之談，不瞭解班超成功之道也。余以爲班超之成功，一由於有偉大之人格，一由於外交政策之正確。

何言乎有偉大之人格？班超之出使西域也，挾大漢之聲威；大漢之雄強，固足以壓服西域人之心膽；而班超之官職，前爲軍司馬，後爲將兵長史，聲勢之煊赫，亦足以震

備西域人。而焚殺匈奴使臣，執搏疏勒王兒題，手段毒辣酷烈，咄咄逼人，甯不使住弱而又多疑之西域人，望而生畏乎？因畏而起疑，因疑而謀叛；班超以孑然一身，出使絕域，危乎殆矣。而班超則不然也，曰：「蕩佚簡易也，曰略小過總大綱也；蕩佚則不嚴，簡易則近人，略小過以示寬大，總大綱以示紀律。若此數者，又有得乎中庸之道矣。中庸曰：『發強剛毅，足以有爲也；寬裕溫柔，足以有容也。』班超則兼之。剛柔相濟，爲班超成功之祕訣，而任尙非之，宜乎其失敗也。當李邑之毀班超也，曰：『超擁愛妻，抱愛子，安樂外國，無內顧之心。』李邑俗人，所見者當然爲世俗之見。其誣毀班超，與班超投筆時左右之譏笑相等。班超知其迂儒，留之實足以敗事，故遣之返京師。須知擁愛妻，抱愛子，安樂外國，正所以安撫西域，感化西域也。漁人釣魚，先施以餌；獵人捕虎，身蒙虎皮。故欲人之向化於我也，我先自化於人；欲人之心同於我也，我先心同於人。彼此無猜，安危與共，然後可以共患難，然後可以享安樂。若班超抱狹隘之漢族主義，懷主奴之階級主義，以此自異於西域人，西域人逃避之不暇，焉能使「其仰之

如父母，依漢如天等」乎？故欲人仰之如父母，必先有父母愛之如子女之決心；欲人依之如天等，必先有天降恩澤於下民之志願，然後可以收同化之效，無禍敗之心也。

當班超之投筆從戎也，固嘗以身許西域矣，班超以立功西域爲志。自投筆之日起，心中念中固未嘗一日而忘西域。西域爲班超理想中之故鄉，捨此之外，再無他圖；故其從戎於西域也，如久留於外之浪子，一朝返回故鄉，故鄉之子弟即吾之子弟，故鄉之父兄即吾之父兄，焉有與故鄉父兄子弟共處一室而不安樂者乎？其討伐也，如嚴父之責其愛子；其維護也，如子弟之仰望於父兄。一喜一怒，皆爲西域人着想，叛則勦之，降則撫之，班超之心，完全同於西域人之心。班超之行動，完全爲西域人而行動；班超本身毫無自私自利之意，存乎其間；故能使西域之人，仰之如日月，畏之如神明。超之被徵蓬朝也，疏勒舉國憂恐，其都尉黎弇，誠不忍見漢使之去，因以刀自刎；還至于闐，王侯以下，皆號泣，互抱超馬脚，令不得行。可愛的西域人，吾讀史至此，亦欲下淚！後世人之治邊疆也，每不達此意，以邊疆人之柔弱易欺也，而壓迫之；以邊疆文化之低落

也，而歧視之；驕奢淫佚，橫征暴斂，視西域人如仇敵，卒爲西域人所棄，喪身辱國，自取滅亡。反觀兩千餘年已往之史蹟，治西域者之遭失敗，每多由此。余敍班超，特標出此點，以爲治邊疆者之楷模焉。


何言乎外交政策之正確也？中國歷來對外之政策，均以互助和平爲主。自堯、舜、禹、湯、文、武、周公、孔子，以至乎近世，歷數千年而不變。堯典曰「協和萬邦」，卽是此意。至孔子作春秋，一本此意。孔子之孫子思作中庸，復引申其說，而標出「懷柔」兩字。如曰「柔遠人也，懷諸侯也」，列爲天下國家九經之一。懷是愛護之意，柔是親善之意，較堯典協和主義，更進一步。子思又提出具體辦法曰：「送往迎來，嘉善而矜不能，所以柔遠人也。繼絕世，舉廢國，治亂持危，朝聘以時，厚往而薄來，所以懷諸侯也」。由此可見交鄰國之道，不僅在送往迎來，朝聘以時，而最要者在扶弱持危、嘉善而矜不能。此種外交精神，在春秋時最爲顯著。例如齊桓公封曹、衛而還魯侵地，秦穆公三定晉亂，晉文公救鄭伐楚，皆爲扶弱濟傾政策之表現。故當時諸侯，秦齊

桓、晉文、秦穆爲盟主，號稱霸主。及至戰國，七雄並峙，干戈相尋，春秋親愛之風，於以不振。秦人繼之，務爲暴虐，天下離叛。漢承秦後，對於外交策略，一本春秋外交親愛之義，以懷柔爲主。例如匈奴，世仇也，及其窮而來歸，則安撫其人民，贍濟其窮乏；而未嘗有乘其危弱，侵略其土地，俘虜其人民之暴行。烏孫，漢之與國也，及其受匈奴之侵略也，漢遣五將軍將十五萬騎以救之。鄯善王之遷伊循也，中國爲之開渠、墾殖，派司馬以鎮撫之。車師之受侵迫於匈奴也，移其民於渠犂，就食田官。諸如此類，皆漢代對於遠方民族愛護扶持之至意。故漢自武帝通西域，宣帝設都護以來，西域各國莫不仰漢威德，休養生息；一百餘年，人樂和平，未嘗有兵戎之事。及西漢末年，王莽秉政，國威稍墜，西域諸國轉相攻伐，大小疊併，無有寧日。原爲三十六國，至西漢末分析至五十餘國，西域諸國轉思漢朝威德，故當光武初年，鄯善、于闐等國皆來朝貢，請設都護。由此而知漢朝對於西域政策之正確，親愛之精神，爲西域各國所仰慕故也。以比匈奴之橫征暴斂，何啻霄壤耶？

班超幼習春秋，對於春秋外交之旨，夙有心得。及長，遠觀西漢對外已往之成績，近察匈奴暴斂西域之人民，故立志捨身於西域，爲西域人服務。西域人之所最痛惡者厥爲匈奴，壓迫西域最甚者，亦爲匈奴；如欲爲西域人解除痛苦，永享安樂，非驅逐匈奴不可。焚殺匈奴使者，誘殺求馬之巫覡，皆所以初表示其端倪也。及至于闐也，執搏疏勒王兜題，襲破莎車，聯于闐、疏勒以攻龜茲。因龜茲依恃匈奴人之勢力，侵暴于闐、疏勒諸國，故超借于闐、疏勒之兵以攻龜茲，正所以爲于闐、疏勒解除痛苦。班超非有貪其土地及斂其財富之心也。故班超在西域之行動，與春秋時齊桓、晉文之行動完全相同，又與西漢之對烏孫、匈奴，同一策略。來則安之，叛則除之，完全以正義和平爲依歸。此皆中國傳統對外政策之正確，而班超特能發揚光大之，使西域各國之人，能仰之若父兄，依漢與依天等者，皆由此耳。世人不察，謂班超利用夷狄以攻夷狄，是不識班超之心，厚誣古人矣！故余特舉而闡明之，是爲序。

漢代西域圖

各名地推若者為漢代西域各國



三·西域的人種型……………	三一
四·西域的重要性……………	三六

第三章 前漢對西域的經營

一·張騫的出使……………	四三
二·李廣利的遠征……………	四七
三·傅介子與鄭吉的成就……………	五三
四·治理西域的政策……………	五九

第四章 班超的出使

一·撻伐匈奴——班超出使的原因……………	六五
二·收撫鄯善——一生事業的奠定……………	七〇
三·攻降于闐——更進一步的成功……………	七四

- 四·留居疏勒——再通西域的功臣……………七八
- 五·平定莎車——良善策略的實現……………八一
- 六·卻走月氏——經營北道的先聲……………八五
- 七·擊敗焉耆——偉大事業的完成……………八七

第五章 班超的凱旋與班勇的繼承父業

- 一·哀婉的奏章……………九三
- 二·班勇的出使與成就……………九七
- 三·甘英的出使大秦……………一〇二

第六章 結論

- 一·班超事功的評價……………一〇七
- 二·班超成功的原因……………一〇八

附

班超

班超生卒大事年表

四